



BIBLIOTECA METROPOLITANA PO IS PICIOCUS



Nàscia in su mesi de Ladàmini de su 2009, sa Biblioteca po is Piciocus de sa Provìntzia de Casteddu (oi Tzitadi Metropolitana de Casteddu) est a is peis de su Parcu de Monte Claru in Casteddu.

Sa Biblioteca po Piciocus est pruschetotu po un'utèntzia chi andat de 0-10 annus (pipius), 11-13 annus (piciocus) a 14-18 annus (giòvunus), babbus, mammas e operadoris chi traballant o funt in cuntatu cun custa fàscia de edadi (0-18 annus).

Sa Biblioteca garantiscit a totus de ddoi podi imbucai, fintzas a si chi faint parti de is minorias linguìsticas, si chi tenint problemas de saludi o disàbilis e is residentis in àteras àreas po favoressi s'idea ca totus ndi potzant gosai.

A is pipius, a is piciocus e fintzas a is mannus est garantida una seletzioni de tìtulus adeguada a s'edadi insoru, posta in spàtzius e àreas de sa biblioteca difarentis e dedicada a issus, impari a is atividadis de animatzioni e promotzioni de sa letura.

Sa Biblioteca s'impunnat po abituai is piciocus a ligi fintzas de piticus, donendi-de-ndi sa possibilidadi de svilupai sa creatividadi de donniunu, fendi-de-ddi connosci totu s'arti e is àteras culturas, sostenendi sa traditzioni orali, sustenni is atividadis e is programas de alfabetizatzioni po dònna fàscia de edadi.



TZITADI METROPOLITANA DE CASTEDDU

Patrimòniu libràriu

Sa Biblioteca po Piciocus tenit 16.430 liburus (datu agiorronau a su 31/12/2019) po pipius e piciocus, in prus a is DVD, CD-ROM, fumetus e pubricatzionis po s'infàntzia po is operadoris chi traballant in custu setori e po is babus e is mamas.

Totu su materiali si podit consultai in sa setzioni BIBLIO SAR RAGAZZI e su catàlugu in lènea de sa Regioni Sardigna

Sa Biblioteca tenit sa sedi in Bia Cadello n.9/b in Casteddu, aintru de su Parcu de Monte Claro, faci a is campus sportivus. Si podit lompi a sa Biblioteca de sa stazioni FS de pratza Matteotti cun sa lènea 5 o sa lènea 8, o de pratza Giovanni XXIII cun sa lènea 13.

Oràrius:

De su lunis a su sàbudu, 09:00 – 20:00

Domìnicu a merì, 16:00 – 20:00

Cuntatus:



Biblioteca Metropolitana po Piciocus: Tel. 070 4092576



Posta eletrònica: bibliotecaragazzi@cittametropolitanacagliari.it

Atzessu e iscrizioni

S'atzessu a sa Biblioteca e a is servìtzius cosa sua est po totu is tzitadinus italianus e stranierus chi tengant unu documentu de identidadi bàllidu. Po s'iscriri si depit compilai unu mollu de iscrizioni. Serbint documentu de identidadi e còdixi fiscali.

Po s'atzessu, s'iscrizioni e sa fruitzioni de is servìtzius de sa Biblioteca non si pagat nudda.

S'atzessu a sa Biblioteca est liberu po istudiai o ligi fintzas cun materiali pròpiu. Sa consultazioni in sedi de is òperas chi ddoi funt a scafalli obertu est libera

Su personali in servìtziu agiudat su letori po is circas bibliogràfias e documentàrias cun òpera de consulèntzia costanti, discreta e cualificada.



TZITADI METROPOLITANA DE CASTEDDU

Servìtzius:

Su personali de sa Biblioteca Scièntzi Sotziali donat custus servìtzius:

- Informus de primu orientamentu de is servìtzius donaus de sa biblioteca
- Informus apitzus de su patrimòniu documentàriu specializau ded sa biblioteca
- Istrutzionis po s'impreu de s'OPAC (on line public access catalogue) e de is servìtzius relativus in internet
- Arrespustas a is dimandas cun informas spetzìficas innui serbit s'impreu de òperas de consultazioni de paperi e digitalis a disponimentu in bibliotecaausilio po agatai is informus po is circas spetzìficas.

Àterus servìtzius:

- Consultazioni de su patrimòniu libràriu
- Impreu de su logu po ligi
- Imprètidu
- Imprètidu interbibliotecàriu e fornidura documentus
- Informus e orientamentu
- Servìtziu diretu, po telèfunu, po lìtera eletrònica
- Atzessu a is novidadis editorialis cun catàlugu on-line OPAC SBN
- Cunsillus po comperai liburus

Totu is asillus nido, is scolas maternas, primàrias e secundàrias de I e II gradu podint prenotai una abisita guidata in sa Biblioteca Metropolitana po Piciocus cumpilendi su mollu allegau. Sa prenotazioni si depit fai assumancu 15 diis prima e po normas de seguresa iat a essi mellus a non essi prus de 26 pipius (una classi a sa borta).

S'abisita durat giai un'ora innui benint illustraus is servìtzius, is modalidadis de iscrizioni, sa durada de su prètidu e innui funt is liburus a scafali aici de ddus podi circai a solus. In sa segunda parti, is pipius benint intratènnius cun leturas e agoa podint castiai a solus is liburus ne is scafalis.

Iat a essi mellus a bandai a mengianu, de su lunis a su cenàbara de is noi oras e mesu.

<https://www.bibliotecamonteclaro.it/biblioteca-metropolitana-ragazzi/>